

Centralna izborna komisija BiH o obavezi prikupljanja potpisa podrške definiranu Izbornim zakonom BiH, zauzela je slijedeći stav, u zavisnosti od karakterističnih situacija ili do sada postavljenih pitanja:

- Politička stranka i nezavisni kandidat, **oslobodeni su obaveze prikupljanja potpisa podrške** ukoliko imaju nosioca mandata u istom organu za koji se podnosi prijava (čl. 4.5 stav (1) Izbornog zakona BiH).

Odredba člana 4.5 stav (2) Izbornog zakona BiH ne odnosi se na lokalne izbore. Niži nivo organa u kojem član političke partije ima mandat, u smislu ove odredbe ne postoji na lokalnom nivou, i politička stranka **ima obavezu prikupljanja potpisa podrške**.

- Politička stranka i nezavisni kandidat **nisu obavezni podnositi izjavu nosioca mandata** za oslobađanje od obaveze prikupljanja potpisa podrške. Zakonom o izmjenama i dopunama Izbornog zakona BiH („Službeni glasnik BiH“, br. 31/16) brisan je član 4.5 stav (3) Izbornog zakona BiH. Centralna izborna komisija BiH će na bazi službenih evidencija vršiti provjere, i utvrđivati faktičko stanje u skladu sa Zakonom.
- Politička stranka ili nezavisni kandidat koji su, na Lokalnim izborima 2012. godine, osvojili mandat kao član koalicije, odnosno liste nezavisnih kandidata, da bi bili ovjereni za učešće na Lokalnim izborima 2016.godine, **imaju obavezu prikupljanja potpisa podrške**. Ovo s toga što je članom 4.13 Izbornog zakona BiH definiran status koalicije, kao političke stranke u izbornom procesu, od dana ovjere za učešće na izborima, do dana ovjere izbornih rezultata.